

October 5, 2019

www.awemainta.com

www.facebook.com/awemainta

noticia@awemainta.com

583-1400



# AWEMainta

15  
año

## E concurso di pintamento "I Love my Pet" pa muchanan di scol basico a produci 409 pintura

Minister Andin Bikker impresiona cu talento di nos hobennan



## Banco Central di Aruba victima di SMS scam

PAGINA 2

**INVEST  
SECURE**  
We don't just say it ... We Guarantee it !!!



*Nos ta ofrece tranquilidad,  
protegiendo nos comunidad.*

Pa mas informacion yama 582-7252







# E concurso di pintamento ‘I Love my Pet’ pa muchanan di scol basico a produci 409 pintura

Minister Andin Bikker impresiona cu talento di nos hobennan

**DIABIERNA** 4 di october Dia di Bestia den un conferencia di prensa extra ordinario a haci entrega di premio n'e muchanan cu a gana cu nan pintura.

For di 29 scol a ricibi un total di 409 pintura y na final 12 mucha a haya premio.

P'e 12 premionan a contribui Prome Minister, Minister di Husticia, Minister pa Asunto Social y Minister di Enseñansa.

Un mainta masha ameno na Bestuurskantoor, organisa p'e Petit Comité cu a trece tur mucha hunto pa entrega nan, nan premio y firma nan certificado. Tanto e Ministernan como e miembronan di e Petit Comité a keda sorprendi p'e talento di e muchanan y tur detaye cu nan a pone den nan pintura.

Di parti Minister di Husticia mr. Andin Bikker el a felicita tur mucha cu a gana y a keda hopi impresiona cu e talento cu nos hobennan tin.

Minister Bikker a bisa cu esaki t'e prome paso pa duna contenido real na Ley di Cacho. E ley aki un par di aña pasa a pasa den Parlamento, pero pa duna contenido na dje ta debi na reto presupuestario, pero Gabinete Wever Croes a duna su compromiso cu pasionan firme pa duna contenido n'e ley di cacho.

Den e concepto aki no solamente ta pa cuido di e animal, pero e condicion cu e animal ta den familia, pero tambe e parti di aspecto cu hopi turista ta duna atencion na cuido di cacho.

Minister Andin Bikker a felicita tur ganador y e comision pa nan trabou y pronto Gabinete Wever Croes lo duna contenido real n'e Ley di Cacho.



# Richeline Achantay Emer a gradua na Facultad di Ley na Universidad di Aruba



DIAHUEBS 3 di october 2019 a gradua na Facultad di Ley na Universidad di Aruba sra. Richeline Achantay Emer. El a gradua defendiendo su tesis titula:

**"Het vervallen erkenningsverbod.  
Nog steeds een treur-spel voor sommigen!"**

Een onderzoek gericht op het Nederlanderschap van erkenningen van buitenechtelijke kinderen door gehuwde mannen."

Comision di examen a consisti di e miembran: Mr. M.C.F.E. Gielen: Prof. mr. dr. R. de Groot, mr. dr. J. Israël y mr. A.M. Els

Universidad di Aruba y AWEMainta ta felicita sra. Richeline Achantay Emer cu su logro.

## 15 years is a Fun Milestone!

It was 15 years ago today that Fun Miles started out.

Time sure flies when you're having fun!

Now, after one and a half wild decades, nearly 2.5 million Fun Miles are saved and redeemed every day at almost 200 points of sale on 4 islands. Cardholders are constantly redeeming their Miles for shopping, travel, fuel, hardware, restaurant visits, and much more. We like to think that Fun Miles adds an extra touch of fun to people's lives, and we're pretty proud of that.

Of course, we owe it all to you, our cardholders, partners, cashiers, media relations, and our dynamic team. We are deeply grateful for your incredible support, the countless beautiful memories and all the fun we've shared!

As a heartfelt thank you, there will be tons of specials, events and promotions for everyone. Stay tuned for all the festive details. We look forward to exploring the fun together for many more years to come. Masha, masha danki!

The Fun Miles team



Minister Dangui Oduber:

# **“Salud di e ser humano t'e topico central di ley di Serlimar”**

E siman aki un di e cosnan mas comenta den comunidad t'e cambio cu Parlamento ta tratando riba e ley di Serlimar. Pa Minister Dangui Oduber un cos ta sigur, e salud di e ser humano t'e topico central y esun di mas importante den tur discusion cu ta ser hiba.

“E no ta un secreto cu pa hopi aña como pueblo nos ta sinta cu e problematica di e dump na Parkietenbos. Esnan mas afecta den e caso aki t'e ciudadanonan di Simeon Antonio y cercania, kendenan dia'den dia'fo mester soporta molestar di holo, musca y sin laga afo problemanan di salud cu esaki a trece cu ne.

Pa prome biaha den historia, por mira un gabinete cu a tuma seriedad pa atende cu asunto aki, di forma responsabel y cu determinacion”, Minister Dangui Oduber a expresa.

Segun e mandatario, e topico no ta uno facil pa atende mirando cu tin hopi aspecto cu ta hungarol y ademas cu ta tratando na acomoda e necesidad di tur esnan directa- of indirectamente afecta. Tur persona, gremio, instancia envolvi den e proceso di e ley aki tin un cos cla: E efecto mas importante t'e mejoracion di salud cu e remediation di Parkietenbos ta trece cu ne, segun e mandatario.



Minister Dangui Oduber: “E hecho ta cu awor tin un discusion habri, un democracia real. E no ta un discusion solamente financiero, sino uno cu un base mas amplio, na unda bo kier garantiza cu e personanan mas directamente afectatin e mesun e derecho di tin un calidad di bida saludabel manera tur otro ciudadano tin riba e pais aki.”

E rapport di PAHO a conclui cu Parkietenbos mester wordo sera mas pronto posibel. Nos a pone den nos programa di gobernacion cu nos lo percura pa haci esaki tambe pa cumpli cu nos programa.

Finalmente Minister Dangui Oduber a expresa cu e ta eherce su deber como mandatario encarga cu salud di forma serio y ta sostene tur iniciativa y/of proyecto cu ta garantisa un mejoracion den e calidad di salud di tur persona, ya sea ta trata un parti so di nos isla of e comunidad completo. “Un Aruba saludabel t'e esencia integral di e maneho cu ta ser hiba n'e momento aki p'e cartera di salubridad”, e Minister a expresa.









Consulta di trabou entre

# Ministerionan di Enseñansa, Cultura y Sciencia di 4 pais den Reino Hulandes



**RECENTEMENTE** a tuma lugar na Bonaire un reunion di representanten di Ministerionan di Educacion, Cultura y Sciencia di Hulanda, Corsou, St. Maarten y Aruba.

Esaki tabata e prome consulta, despues cu e Ministerian di Enseñansa y Cultura a reuni na februari ultimo. Durante e reunion aki e representanten di e 4 Ministerionan a bin hundo pa discuti varios topico tocante educacion, cultura y ciencia.

Pa Aruba riba tereno di Cultura sra. Ruby Eckmeyer a representa Ministerio di Finansa, Asunto Economico y Cultura. Sra. Anne Marie Proveyer y sra. Gina Ras-de Kort a representa Ministerio di *Enseñansa*, Ciencia y Desaroyo Sostenibel.

Tur e conseheronan di Minister di e 4 paisnan a reuni pa prepara p'e siguiente reunion di Ministernan 'Vierlanden Overleg' cu lo tuma lugar dia 11 y 12 di november e aña aki na Hulanda.

E aña aki tambe ta tuma lugar e Conferencia General di UNESCO na Paris for di dia 12 te cu 27 di november. Den cuadro di esaki a prepara un documento cu e Ministernan di Caribe Hulandes hundo cu Minister di Hulanda lo bay presenta n'e conferencia menciona.

Tur 4 Minister di Reino lo hiba palabra durante di e conferencia general di UNESCO.

Den e asina yama '4 Landen Ministrieel Overleg' cu a tuma lugar na februari na Corsou, e empleadonan publico a haya e tarea pa lanta gruponan di trabao na nivel di departamento, unda den colaboracion cu eventual otro organisionnan, ta traha di un manera structura cu otro. E trabounan ta keda ehecuta a base di un acuerdo cu e Ministernan di tur 4 pais a firma riba tereno di cultura, enseñansa y ciencia.

E diferente gruponan di trabao ta traha riba tereno di Profesionalisacion di Maestro; Efecto Civico di e estudionan di ley den Reino; Acoplacion di e sistemanan di enseñansa den Reino; Pasantia pa studentenan di MBO/EPI entre e islanan den Reino; Financiamiento pa estudio; Agenda pa Investigacion; Biblioteca Digital; Lantamento di un Fondo pa Investigacion Cultural; Herencia Cultural Intangibel y Herencia Cultural Aquatico.

Cada 3 siman e conseheronan di e Ministernan concerni ta reuni cu otro via *video conference* p'asina monitoreo e trabounan cu mester tuma lugar segun e palabronnan cu e Ministernan a haci.





# Empleado y clientenan di SETAR invita pa training di Ruckus



E compania Ruckus Networks a aserca SETAR pa hunto haci un evento pa splica tanto interno como externo di nan servicionan. SETAR tin hopi aña trahando conhumentamente cu Ruckus. Nan ta provee SETAR cu solucion pa Internet cu nan wireless Wi-Fi access point.

Diamars 24 di September ultimo, SETAR a tene un training interno pa empleadonan di diferente departamento tecnico pa por siña di Wi-Fi 6 y solucionnan cu Ruckus ta bin cune pa cliente.

E evento aki a wordo patrocina pa WAV, Inc. cu ta un distributor di LTE, wireless broadband, networking y ekipo di Wi-Fi.

Durante e training a splica over di Wi-Fi 6, cu ta e siguiente generacion di e tecnologia di Wi-Fi, y solucionnan cu lo beneficia SETAR y su clientenan. Diazon 25 di september SETAR a organisa un lunch na El Gaucho caminda a invita algun cliente tambe pa haya presentacion di Ruckus. Asina aki SETAR ta sigi traha pa informa y ofrece su clientenan un mihor experiencia.







## Aruba Bank ta Celebra Customer Appreciation Week 2019

E yabi di bon servicio t'e relacion cu e compania ta crea cu e cliente. Aruba Bank ta consciente di e importancia di un relacion sano entre e banco y su clientela y ta p'esey anualmente ta gradici su clientenan y ta promove un ambiente servicial y amabel na tur sucursal di banco rond di Aruba, pa expresa e gratitud.

Cuminsando dialuna 7 di october Aruba Bank lo celebra "Customer Appreciation Week" caminda cu lo intensifica e gesto di bisa "danki" den un siman di celebracion.

E aña aki Aruba Bank lo ta activo riba e pagina di Facebook di banco <https://www.facebook.com/Arubabank/> caminda cu lo por comparti experiencianan superior diariamente. Na tur sucursal di Aruba Bank clientenan lo ricibi treat special.

Ademas di e ambiente di celebracion na cada sucursal Aruba Bank keda pendiente p'e popular "Surprise moments" cu premionan fabuloso!



## Invitacion misa pa mucha na Parokia Sagrado Curazon di Hesus

**TA** invita tur mucha y nan mayor pa un Santo Sacrificio di Misa special pa mucha diadomingo, 6 di october pa 10:00am na misa di Savaneta. Bin scucha Hesus su Palabra y ricibi'E den Santa Eucaristia pidiendo bendicion pa bo mes, bo familia

y nos pueblo di Aruba.

"Famia cu ta resa huntlo keda huntlo". Inverti den bida spiritual di bo yiunan - ta inverti den nan salbacion, segün P. Andres Makowiec















# Henk Meijer a scoge Rouel Baarh como Best Fighter di e Best of the Best Taekwondo

**DIASABRA** ultimo tabatin e Best of the Best Taekwondo Test Event organisa pa Brazil Taekwondo Stichting y 11 bon atleta di Aruba a bringa contra di Surinam y Panama.

Despues di e Himno di Aruba, dr. Guicaipuro Jimenez, Presidente di Aruba Taekwondo Bond a hiba palabra na tur esnan presente y despues a duna okay p'e competencia por a cuminsa.

Rouel Baarh a bringa contra di dos faha preto, Bjorn Hermelijn for di Surinam y Danon Delamore di Brazil Taekwondo Stichting. Rouel Baarh a demostra su potencial ganando tur dos pelea. Niun hende no a spera cu Rouel Baarh lo por a bira asina bon despues cu nan a lage cay pa un tempo y awor a demosta den Best of the Best Taekwondo Test Event con bon Dios ta.

Ex Campeon Mundial, coach Olimpico Henk Meijer a duna su puntonan pakico a scoge Rouel Baarh como su Best Fighter Nacional den e Best of the Best Taekwondo Test Event y tur hende a apoya esaki. Cristhian Moralez Gomez di Panama a sali Best Fighter internacional.

Jamal Chiragally di Surinam a sali Best Coach den e Best of the Best Taekwondo Test Event manteniendo su mes bona e reglamentonan internacional di coaching.

Guillermo Rodriguez, Referee di 3 Olimpiada a duna di conoce cu Best of the Best Taekwondo tabata uno di nivel y tambe a apunta kico tur lo mester cambia y mehora pa Best of the Best na luna di noviembre 2019.



# Riu Palace Antillas a ofrece lunch na fundacionnan di bestia




**RIU** Palace Antillas ta sigui traha duna bek na comunidad di Aruba y, n'e ocasion aki, nan staff a haci esaki un biaha mas dor di haci un donacion n'e fundacionnan di bestia.

E fundacionnan a bin hundo den e “Mash spay and neuter campaign”, yudando mas di 400 cacho y pushi.

Cada fundacion a bin cu cacho y pushinan cu nan a rescata pa opera nan, haci un checkeo, baña nan, duna nan di come y bebe.

For di mainta tempran nan a cuminsa y p'esaki Riu Palace Antillas a dicidi di haci un donacion special di lunch p'e empleado y ayudantenan.


E fundacionnan y su miembronan a gradici Riu Palace Antillas p'e donacion aki, pero tambe di tur sosten cu e hotel a duna nan. Riu Palace Antillas ta contento y orguyoso di por sostene e fundacionnan, pero tambe ta spera cu mas hotel por duna nan sosten na nan.





Iniciativa di Paul Freed

# Trans World Radio 55 aña den aire fo'i Bonaire





**KRALENDIJK** -- Trans World Radio (TWR), na Spañó Radio Transmundial, a cumpli 55 año transmitiendo for di Bonaire. Riba e fecha cu e emisora a cuminsá cu su transmisionnan for di Bonaire tin un tiki confusion, den sentido cu riba Internèt ta saliendo informacion e dianan aki indicando cu ta 1 di october 1964 TWR a bay den aire, miéntras cu Johan Hartog den su buki: 'A short history of Bonaire' ta mencioná 13 di augùstùs di e año ey. Hecho cu TWR t'ei ketu bay.



Trans World Radio ta un emisora Evangélico Cristian, considerá como e organisacoon di media Cristian mas grandi na mundo. Na ta usa tanto 'mediumwave', 'shortwave' como frecuencia FM pa manda nan señalnan den aire. E transmisornan FM di mes ta pa cubri áreanan local, como cu señalnan di FM no ta yega leu. 'Shortwave' en cambio ta carga señalnan di e emisora hiba paisnan lehano.

#### PAUL FREED

Historia di TWR a cuminsá na 1952, ora cu Paul Freed a hinca un organision radial den otro pa alcansá Spaña for di Maroko. Mas despues TWR a move pa Monaco. Otro sitionan di transmision a bin riba e isla Guam, Bonaire, Sri Lanka, Chipre y Swaziland.

Persona cu a hunga un ròl importante den e negociacionnan pa trece Trans World Radio Bonaire tabata Toon Abraham, persona principal den gobernacion di Bonaire e tempo ey.

El a conta p.e. cu den mesun tempo ey e emisora radial

Deutsche Welle di Alemania tambe kier a pone un stacion na Bonaire.

Interesante ta cu despues Radio Nederland Wereld Omroep (RNWO) tambe su bista a cay riba Bonaire y a establecé un stacion retransmisor, cu inicialmente tabata här e transmisor di 'mediumwave' di TWR pa difundí su programanan, banda di nan mes dos transmisornan di 'shortwave'.



#### HOPI MOVECION

Establecimiento di TWR na Bonaire a trece hopi movecion riba e isla. A construí basta cas na entre otro Belnem y Tera Kòrá pa trahadornan di TWR y nan famia. Diripiente tabatin un comunidad internacional notabel na Bonaire. Fundador di TWR, Paul Freed, den e buki 'Towers to Eternity' publicá na 1979, ta conta su storia riba realisacion di e emisora aki, cu awendia, banda di frecuencianan radial, ta usa tambe Internèt, satélite y otro posibilidadnan cu tecnologia ta brinda.

Na cierto momento tabata existí duda tocante continuacion di TWR na Bonaire, pero algun tempo pasá a haci inversionnan grandi y awor por concluí cu TWR lo sigui transmití for di Bonaire pa hopi año mas.



Dokternan di cas no tabata pa participa

## Manifestacion di protesta di specialistanan a para!

**WILLEMSTAD.** E manifestacion di protesta cu specialistanan medico tabata planea pa tene otro simean den Alameda den sentro di siudad a para.

E motibo di esaki ta cu originalmente ta solamente docternan di cas a dicidi cu nan no ta participa na e manifestacion pasobra nan abogado a recomenda nan pa spera si e por logra un acuerdo cu Minister di Salubridad.

Mientras tanto e mesun abogado ta actua como un consultador pa e minister en cuestion di acuerdo cu fuentenan digno di credito den e circulo di specialistanan. Hustamente e docternan di cas tabatin un litania di

keho y reclamo riba e intencionnan di e minister di Salubridad pero intervencion dje abogado cu nan a selecta a pone nan desisti di participa na e manifestacion. Varios miembro di e gremio di specialistana a splica e corant aki cu aparentemente e abogado a actua como Cabay di Troya pa e minister y tin e gremio di docternan di cas domina cu su indicacionnan.

Te cu diahuebs ta e docternan di cas so a indica cu nan no ta participa na e manifestacion pero ayera mainta mas specialistana manera sicologo y dentista a djoin e tendencia di no manifesta.

Mirando e desaroyo aki e gremio di specialistanan medico a dicidi di bandonan e plan pa manifesta.

## Sospechosonan ta entrega nan mes

**WILLEMSTAD** - Diabierna 4 di october 2019 alrededor di 08.25 or, e homber sospechoso S.T.E.P. di 29 año di edad naci na Corsou, kende tabata bisto riba e video cu polis a publica dia 3 di october ultimo (Comunicado di Prensa 395/2019), a entrega su mes na departamento di team di Atraco.

Ta trata aki di e caso cu a tuma luga dia 25 di augustus 2019, unda un homber y un dama a secuestra un damita.

Algo despues, alrededor di 09.40 or e otro sospechoso, e dama A.E.M. di 33 año di edad naci na Corsou, cu tabata den compania di e homber ariba menciona, tambe a entrega su mes na e departamento conserni.

Ambos sospechoso a keda detene y presenta dilanti un Fiscal Auxiliar cu a ordena nan encarselamento pendiente di mas investigacion.

Cuerpo Policial kier yama danki na tur medio di comunicacion cu a copera pa publica e imagennan cu a keda suministra, cu a encurasha e dos (2) sospechosonan pa entrega nan mes.



Cu secuestro di hoben Hulandes:

## Criminalidad a kibra tur record na Corsou



**WILLEMSTAD.** Despues di basta dia di rumor y speculacion, porfin polis a revela e caso di secuestro cu pa poco por a caba cu asesinato di un hoben mucha muhe Hulandes cu a bay saca placa for di machine den oranan di marduga riba Caracasbaaiweg.

Cu poco palabra por califica e hecho cu cinco siman pasa criminalnan desalmado a secuestra un hoben muhe Hulandes na un machine di lanta placa riba Caracasbaaiweg y despues di a obliga di lanta sen pa nan, a purba asesine marando su man y pianan y tire den laman for di baranca na Mirador entre Knip chiki y Grandi.

De facto, ta hopi insolito cu ta awor numa autoridadnan policial ta revela e hecho aki despues di 5 siman ora cu e criminalnan a haya tur oportunidad pa limpia pista y talbes hasta a lastra bay for di Corsou.

E caso en cuestion a sosode marduga di 25 di augustus alrededor di mitar di dos ora un criminal cu ni a percura pa tapa su cara na drechi a secuestra un hoben muhe Hulandes riba Caracasbaaiweg na altura di un truk di pan.

E malechornan tabata un homber y un muhe kendenan a mara e victima na su man y pia, tapa su wowonan, y bay cune - contra su voluntad por supuesto - na dos diferente bancomatico, y a oblig'e saca sen for di tur

dos bancomatico.

Un dje machinenan tabata den e bario di Jandoret y unu den bario di Buena Vista.

E malechornan a trata na diferente ocacion di asfixie y despues cu nan a logra saca sen for di e bancomatico, nan a bent'e, mara na su man cu pia, for di baranca na e mirador mey mey di Kenepa chiki cu Kenepa grandi.

Diahuebs bosero policial a lansa un suplica na comunidad pa si cualquier persona cu por reconoce e persona riba e grabacion aki of cu tin informacion tocante di e caso aki, pa por fabor meldu esaki na polis via di e numbernan 917 of 108, cual ta e liña anonimo.

**Nos ta insisti:** polis ta ricamente lat cu e informacion aki cu a bin manera ‘mosterd na de maaltijd’ pasobra si a publica e fotonan directamente despues dje suseso talbes ya caba nan lo por a anuncia captura dje duo malvado.

Di otro banda e hecho aki mester sirbi como atvertenencia tambep a anto hende hoben of hende grandi, no importa e sexo, no uza machine di saca placa den oranan di marduga pa awendia na Corsou criminalnan ta rondia cayanan maneera bestia predador pa miraken nan por haci daño y haya sen facil.

# No ta Banco Maduro so pero tur banco a cera cuenta di MFK



**WILLEMSTAD.** Banco Maduro a cera cuenta di MFK pe motibo cu Gerrit Schotte, Jacinta y Jamaloedin ta den cosnan di husticia y p'esei ta cera nan cuenta. Nan tin algun luna ta coresponde cu banco y nan a dicidi di serea e cuenta y ta buscando alternativa pa sigi bay dilanti pasobra tin miembro, donante, y fonto y mester ta un cuminda y pa Conseho supremo Electoral ora nan tin cu haci control riba situacion finanziero, nan ta mira kico a drenta y Sali.

Asina nan ta controla finansa di un partido.

E asunto a cue nan foi base cu tur hende ta haci negoshi k banco nan ta binb cu medida asina contra bo pasobra e ta crea

Den nan carta nan a menciona Gerrit Schotte, bosnan ta tilda nos di chanchuyo pero nan a lab 325 mion doler. Unda moralidad y ki midi ta usa pa nos.

A yega tempu pa bin cu leinan pa banconan tambe y nos mester di un banco pa wardabo sen.

Ta buscando alternativa pasobra e cosnan aki no por sigi.

Of ta pasobra ta MFK pasobra ta yagmento tin pa mata MFK.

Nos kier solucion pasivo.

Prome ta cuestion di riferi y awor ta MFK y si por tin otro banco por ta un solucion.

Mi ta spera cu ta nan so ta haci e cos aki pero riferonan tin cuenta ketu bay serca nan.

Gijsbertha a bay comebrsa pa regla asunto dje riferonan y kier sa si gijsbertha lo regla eaki pa MFK.

Gobierno di Corsou tambe ta trahando conforme e agenda aki den varios trayecto, caminda educacion su enfoke ta keda sigura den enseñansa di calidad, inklusion, enseñansa ekitadivo pa asina promove enseñansa continuo y oportunidad igual pa tur. Ehemplenan di trayectonan cu ta cuadra cu e SDG-4 cu e ministerio di Enseñansa, Siencia, Cultura & Deporte (ESKD) ta e conferencia cu e tema di Igualdad di genero den Scolnan: Inklusion y Unidad y tambe por mustra riba e conferencia cu tema: 'Quality of education, equity and inclusion, teachers and education workers and life long learning'. Tambe trayectonan manera registracion di enseñansa pre-escolar, optimizacion di enseñansa secundario y avansa, stimulacion di plataformanan di comunicacion pa tur 'stakeholders', maneho pa enseñansa speshal/cultural, programanan di capacitacion di maestro/dosentenan y fortificacion di enseñansa obligatorio tur e areanan cu ta cuadra cu e programa di SDG-4 pa asina nos logra cu e metanan di e 'Framework for Action - Incheon Declaration for Education 2030'.

# Detencion relaciona cu caso di asesinato

**WILLEMSTAD** - Continuando cu un investigacion relaciona cu un caso di asesinato cu a tuma luga 22 di juni 2019 na Rooi Santo, polis a haci tres entrada judicial cu detencion.

Diabierne 4 di october 2019 alrededor di 04.40'or di marduga, personal di Divicion di Crimen Organisa conhumentamente cu team di Arresto y team di Mantencion di Ordo Publico a tene entrada judicial den tres cas na Rooi Santo. Durante investigacion den e casnan polis a detene e hombernan sospechoso:

- D.D.P. naci na Corsou di 28 año di edad;
- J.M.N. naci na Corsou di 30 año di edad;
- Y.L.W. naci na China di 22 año di edad.

Den e casnan polis a confisca articulonan cu ta di importancia pe investigacion. Tambe polis a detene un dama di 21 año di edad, di nacionalidad Venezolano



cu no tabatin e documentonan nesesario pa por permanese riba nos isla. A entrega e dama na Departamento di Imigracion.

A presenta e hombernan sospechoso dilanti un Fiscal Auxiliar cu a ordena nan encarselamiento pendiente di mas investigacion.

# Sindicato di Enfermeria y SEHOS a resolve nan conflicto

**WILLEMSTAD.** Diahuebs noch e presidente dje sindicato di Personal den Enfemeeria sr. Diaoen a anuncia cu e disputa entre hospital y CBV a keda solucion a aperte di tur hende y cu hospital lo a paga loke nan a retene sin paga e instancianan conserni.

Ta trata aki di sen cu hospital a retene di belasting y prima y cu lo a keda regista como debe dje trahado si hospitdal no a paga esaki.

Esey a sosode diahuebs.

Ayera mainta e sindicato a keda di mira e comprobante di pago ya asina por musra e miembrinan y mantene tranquilandad.

SEHOS a indica cu lo cumpli pero pa tur sigur e sindicato a envolve minister di Finansa particularmente pa loke ta e sen di belasting cu a keda retene.

E sindicato no kier pa nan mes keda responsabel pa e debenan na personal cu ta nan penshun di futuro. Hunto cu e pasonan sindical diahuebs merdia a yega na solucion y cu a cumpli cu loke a palabra y si a bon e sen ta riba cuenta di ENNIA caba.

E sen no ta bay riba cuenta dje empleado pasobra ta prima di penshun cu ta 1% cu a deposita den pasado y a cana e proseso hunto cu asociacion di pensionandonan onke cu di parti di e pensionandonan e directiva a reclama amargamente cu nan no por haya contacto cu presidente dje sindicato.

Pensionandonan a haya cu CBV no ta contesta nan cartanan pero SBV no a reakciona riba e reclamo y a indica cu nan ta canando un caminda y hunto cu pensionandonan a bay petit comite pero no a contesta e pregunta.







# AWEMainta

## E unico corant GRATIS



### Abona awo

Manda un e-mail na:

**Noticia@awemainta.com**

y skirbi e palabranan: “*Ami Kier Abona*”

---

### Like nos riba facebook

Keda “up to date” y like nos riba facebook

[www.facebook.com/awemainta](https://www.facebook.com/awemainta)



---

### Subi riba nos website

[www.awemainta.com](http://www.awemainta.com)

---

AWEMainta completamente

# DIGITAL